



Communicaziun a las medias

Impuls litterars «live» da Guarda

Cuiria, ils 23-07-2018 – **Dumengia, ils 29 da fanadur, a las 16:30, sa ferma «Sin il viv!» en l'iert da la Chasa Torel a Guarda. Qua prelegian las auturas Rut Plouda e Fadrina Hofmann ed ils auturs Plinio Meyer ed Arnold Spescha lur texts. «Sin il viv!» è la turnea da lecturas per festivar il giubileum da 25 onns da l'emissiun *Impuls* da Radiotelevisiun Svizra Rumantscha (RTR). Di per di, dapi l'onn 1993, emetta RTR en l'emissiun *Impuls*, in patratg per cumenzar il di.**

La scriptura Rut Plouda (*1948) scriva gia dapi l'onn 1998 per l'emissiun *Impuls*. Famusa è ella surtut per ses raquint «Sco scha nüglija nu füss» e per sias poesias. Rut Plouda raquinta savens da muments efemers en ses mintgadi ed als descriva cun blera finezza ed eloquenza. Il mintgadi sco mamma da dus uffants e dunna giuvna ch'è schurnalista, ma era scriptura, èn ils temas principals dals *Impuls* actuals da Fadrina Hofmann (*1982). Ses *Impuls* èn d'udir al Radio Rumantsch dapi l'onn 2006.

Il scriptur sursilvan Arnold Spescha (*1941) è enconuscent per sias poesias ch'èn vegnidas publitgadas en divers cudeschs. Ma Arnold Spescha scriva era prosa: dapi l'onn 2012 è el d'udir en l'emissiun *Impuls*. Il quart scriptur che prelegia a la lectura da «Sin il viv!» a Guarda è il Jauer Plinio Meyer (*1962). Dapi l'onn passà scriva el per ils *Impuls* dal Radio Rumantsch essays spiertus d'observaziuns da noss diever da la lieunga e tscharvè.

Suenter Guarda segua la tschintgavla lectura da «Sin il viv!» dumengia, ils 26 d'avust 2018 a las 16:30, sin il bain puril «La Muota» dad Ingrid ed Alexander Casanova a Lumbrein. Là legian Carin Caduff, Asa S. Hendry, Myriam Pelican ed Arnold Rauch lur texts - *Impuls* che raquintan tranter auter da vatgas emoziunalas ed umans cun cornas. Sco adina è la lectura publica e l'entrada libra.

Dapli infurmaziuns

RTR | Madlaina Niggli | referendaria communicaziun e marketing | tel. 081 255 74 34 | madlaina.niggli@rtr.ch